

BUDGET

2026 TAX GUIDE

Sepedi



SARS
At Your Service

Tlhahlo ye e kopana ya motšhelo wa SARS e hlalosa ka boripana boitsebišo bjo bohlokwa kudu bja ditaba tša metšhelo, makgetho le dilebi mengwageng ya 2026/27.

MOTŠHELO WA LETSENO: WA BATHO LE WA DITHERASETE

Ditekanyetšo tša motšhelo go tloga ka 1 March 2026 go ya go 28 February 2027: Batho le Ditherasete tše Kgethegilego

Motšhelo wa Letseno (R)	Tekanyo ya Motšhelo
1 – 245 100	18% ya motšhelo wa letseno
245 101 – 383 100	44 118 + 26% ya motšhelo wa letseno wa ka godimo ga 245 100
383 101 – 530 200	79 998 + 31% ya motšhelo wa letseno wa ka godimo ga 383 100
530 201 – 695 800	125 599 + 36% ya motšhelo wa letseno wa ka godimo ga 530 200
695 801 – 887 000	185 215 + 39% ya motšhelo wa letseno wa ka godimo ga 695 800
887 001 – 1 878 600	259 783 + 41% ya motšhelo wa letseno wa ka godimo ga 887 000
1 878 601 le go feta	666 339 + 45% ya motšhelo wa letseno wa ka godimo ga 1 878 600

Phokoletšo go batho

Ya mathomo	R17 820
Ya bobedi (ba mengwaga e 65 go ya godimo)	R9 765
Ya boraro (ba mengwaga e 75 go ya godimo)	R3 249

Mengwaga

Ba ka tlase ga mengwaga e 65	R99 000
Ba mengwaga e 65 go ya go ba tlase ga e 75	R153 250
Ba mengwaga 75 go ya godimo	R171 300

Magomo a Motšhelo

Motšhelo wa ditherasete (ntle le Ditherasete tše Kgethegilego) = 45%

Motšhelo wa Nakwana

Molefelamotšhelo wa nakwana ke motho le ge e le ofe yoo a amogelago letseno eupša e se mogolo, thušo ya mašeleng, goba tšhelete yeo a e newago ke motho yo a mo hlokomelago; goba a amogela letseno e le mogolo o tšwago go mohiri yo a sa ngwadiswago semolao. Ga go nyakege gore motho a lefe motšhelo wa nakwana ge e ba a se sa tšwelapele ka kgwebo a itšego, le gona letseno la motšhelo wa motho:

- le ka se fete tekanyo ya motšhelo bakeng sa ngwaga woo wa motšhelo; goba
- go tšwa go tswalo, Dikabelano, Dikabelano tša nagantle, rente ya moago woo a o hirišago, le mogolo woo a o hwetšago go mohiri yo a sa ngwadišwago semolao, di tla fihla go R30 000 goba ka tlase ga moo nakong ya ngwaga woo wa motšhelo.

Balefelamotšhelo ba nakwana ba swanetše go fana ka kakanyetšo ya palomoka ya letseno la bona le motšhelo bakeng sa ngwaga woo wa go dirwa ga tlhahlobo.

Dithoto tša mohu ga di balwe gare ga dilo tša balefelamotšhelo ba nakwana.

Mehola ya go Ntšha Tšheletentši go Sekhwama sa Tholomodiro

Motšhelo wa Letseno (R)	Tekanyo ya Motšhelo
1 – 27 500	0% ya motšhelo wa letseno
27 501 – 726 000	18% ya motšhelo wa letseno wa ka godimo ga 27 500
726 001 – 1 089 000	125 730 + 27% ya motšhelo wa letseno wa ka godimo ga 726 000
1 089 001 le go ya godimo	223 740 + 36% ya motšhelo wa letseno wa ka godimo ga 1 089 000

Mehola ya go ntšha tšheletentši go sekhwama sa tholomodiro e akaretša go ntšhwa ga tšheletentši go tšwa go ya phenšene, phenšene ya taolong ya kgorotsheko, sekhwamatetameso, sekhwamatetameso sa taolong ya kgorotsheko, goba go sekhwama sa rethayamente ge go ntšhiwa go sona (go akaretša le yeo e beetšwego ka thoko go latela taelo ya kgorotsheko tabeng ya tlhalo).

Motšhelo o lefiwago go mehola ya go ntšha tšheletentši go sekhwama sa tholomodiro (tšheletentši X) o lekana le:

- Motšhelo o hwetšwago go dirišwa thulaganyo ya Motšhelo go hwetša palogare ya tšheletentši X, go akaretša le mehola ka moka ya go ntšha tšheletentši go sekhwama sa tholomodiro go tloga ka March 2009, go kholego ka moka ya tšheletentši go sekhwama sa tholomodiro go tloga ka October 2007, go akaretša le kholego ya tholomodiro ka moka go tloga ka March 2011; go sa akaretšwe:
- Motšhelo o hwetšwago go dirišwa thulaganyo ya motšhelo go hwetša palogare ya mehola ka moka ya go ntšha tšheletentši go Sekhwama sa tholomodiro pele go ntšhwa tšheletentši X go tloga ka March 2009; kholego ka moka ya tšheletentši go sekhwama sa tholomodiro go tloga ka October 2007; go akaretša le kholego ya tholomodiro ka moka go tloga ka March 2011.

Kholego ya Tšheletentši go Sekhwama sa Tholomodiro Goba Kholego ya Tholomodiro

Motšhelo wa Letseno (R)	Tekanyo ya Motšhelo
1 – 550 000	0% ya motšhelo wa letseno
550 001 – 770 000	18% ya motšhelo wa letseno la ka godimo ga 550 000
770 001 – 1 155 000	39 600 + 27% ya motšhelo wa letseno la ka godimo ga 770 000
1 155 001 go ya godimo	143 550 + 36% ya motšhelo wa letseno la ka godimo ga 1 155 000

Kholego ya tšheletentši go Sekhwama sa tholomodiro e akaretša tšheletentši go tšwa go ya phenšene, phenšene ya taolong ya kgorotsheko, sekhwamatetameso, sekhwamatetameso sa taolong ya kgorotsheko, goba go sekhwama sa rethayamente ge motho a hlokofala, a rola modiro, goba a kgaotša mošomo ge a swara mengwaga e 55, a babja, a eba kotsing, a gobala, a palelwa ke go šoma ka mabaka a itšego, go fokotšwa bašomi, goba kgwebo ya mohiri wa gagwe e tswalela.

Kholego ya tholomodiro e akaretša tšheletentši go tšwa go mohiri goba go rulaganywa ke yena ka baka la go e lahla, kgaotšo, tahlegelo, tlogelo, go khansela, goba go se sa phethagatša ga motho konteraka ya gagwe goba ya mošomo.

Motšhelo wa go lebanya go kholego ya tšheletentši go sekhwama sa tholomodiro goba ya kholego ya tholomodiro (tšheletentši goba kholego ya tholomodiro Y) e lekana le:

- Motšhelo o hwetšwago go dirišwa thulaganyo ya motšhelo go hwetša palogare ya tšhelete Y, go akaretša le mehola ka moka ya go ntšha tšheletentši go Sekhwama sa tholomodiro go tloga ka October 2007, go kholego ka moka ya tšheletentši go sekhwama sa tholomodiro go tloga ka March 2009, go akaretša le kholego ya tholomodiro ka moka go tloga ka March 2011; go sa akaretšwe:
- Motšhelo o hwetšwago go dirišwa thulaganyo ya motšhelo go hwetša palogare ya mehola ka moka ya go ntšha tšheletentši go Sekhwama sa tholomodiro pele go ntšhwa tšheletentši Y go tloga ka October 2007; go kholego ka moka ya tšheletentši go sekhwama sa tholomodiro go tloga ka March 2009; go akaretša le kholego ya tholomodiro ka moka e kokotletšego pele ga kholego ya tholomodiro Y ya go tloga ka March 2011.

Dipeeletšo tša go se Tšheledišwe

Dipeeletšo tšeo di lego thulaganyong ya dipeeletšo tša go se tšheledišwe goba ka dipholising tša batho, tša dithoto tša mohu, le dithotong tša batho tša go rekišwa ka taelo ya kgorotsheko ga se tša swanela go feta R46 000 ngwageng o mongwe le o mongwe wa motšhelo.

Tšhelete yeo e amogetšwego goba e tswetšego dipeeletšong tša go se tšheledišwe ga e lefišwe motšhelo wa letseno (go akaretša le motšhelo letsenong la kgwebo).

Dikabelano

Dikabelano tšeo di amogelago ke batho bao ba lego dikhamphaning tša Afrika Borwa gantši ga di lefišwe motšhelo wa letseno, eupša wa motšhelo wa dikabelano, wa tekanyo ya 20%, o swanetše go swarwa ke dikhamphani tšeo di lefago batho ba bjalo dikabelano. Dikabelano tšeo di amogelwago ke badudi ba Afrika Borwa go tšwa go di-REIT (dikhamphani tšeo di ngwadišitšwego le go ba le dilaesense tša go ba le meago) di swanetše go lefa motšhelo wa letseno, gomme bao e sego badudi ba naga gomme ba amogela dikabelano tše bjalo ba swanetše go lefa feela motšhelo wa dikabelano.

Dikabelano tša Nagantle

Bontši bja dikabelano tša nagantle tšeo di amogelwago go tšwa go dikhamphani tša nagantle ke batho (ge e ba dišere tšeo di le ka tlase ga 10% ka khamphaning ya nagantle) di lefa motšhelo wa go se fete tekanyo ya 20%. Ga go phokololetšo e dumeletšwego ya ditshenyagalelo gore go be le dikabelano tša nagantle.

Tswalo e sa Tšheledišwego

Tswalo e sa tšheledišwego motšhelo wa letseno ke tswalo yeo mothopo wa yona o lego mo Afrika Borwa, yeo e amogelwago ke modudi wa naga wa mengwaga ya ka tlase ga e 65 goba go tšwa kabelong ya dithoto tša mohu, yeo e sa fetego R23 800 ka ngwaga. Go batho ba mengwaga e 65 go ya godimo, ba ka se tšheledišwe tswalo ya go fihla go R34 500 ka ngwaga.

Tswalo e nngwe yeo e sa tšheledišwego motšhelo wa letseno ke tswalo yeo e amogelwago ke bao e sego badudi gomme ba sa be gona ka nama Afrika Borwa matšatši a fetago 183 nakong ya dikgwedi tše 12 pele ga ge tswalo yeo e kokotlela goba e amogelwa. Godimo ga moo, tswalo yeo e ka se tšheledišwe ge feela sekoloto seo se amanago le tswalo yeo se sa tswalane le selo seo se swaregago (se bjalo ka moago wa kgwebo) seo se lego mo Afrika Borwa.

Dikgogelo

Go Tšhela ka go Sekhwama sa Tholomodiro

Tšhelete yeo e tsentšwego ka go sekhwama sa phenšene, sekhwamatetameso, le ka go sekhwama sa anyuithi sa tholomodiro ngwageng wa tlhahlobo e ka gogwa ke beng ba sekhwama seo. Tšhelete yeo e lahetšwego ke bahiri gomme e tšheletšwe e le dikholegomošomong e lebelelwa e le e tsentšwego ke bašomi ka bobona.

Dikgogelo di ka gogwa go fihlela go 27.5% ya mogolo go motšhelo wa mošomi, goba go motšhelo wa letseno (bobedi ga di akaretše kholego ya tšheletentši go sekhwama sa tholomodiro le kholego ya tholomodiro). Le gona kgogelo e lekanyeditšwe go tekanyo ya ka tlase ga R430 000 goba go 27.5% ya motšhelo wa letseno, pele go tsenyeletšwa motšhelo wa poelotlotlo. Ge tšhelete e tsentšwego e ka feta tekanyo e beilwego gona e tla fetišetšwa ngwageng o latelago wa tlhahlobo, gomme e tla tšewa e le e tsentšwego ngwageng woo wa go latela. Tšhelete e fetiseditšwego pele e fokotša tšhelete e tlogo go tsenywa go sekhwama sa tholomodiro sa tšheletentši le sa rethayamente.

Ditshenyagelo tša Kalafo le tša Bogolofadi

Gore motho a tsebe motšhelo o nyakegago, a ka ntšha phokoletšo go ithekgile ka tšhelete yeo a e gogelwago kgwedi le kgwedi go tsena ka sekhwameng sa thušo ya kalafo. Phokoletšo ye e ka dirišwa feela ke motho yo a tsentšego tšhelete ya gagwe, go fihlela go R376 bakeng sa yo mongwe le yo mongwe wa batho ba pele bao ba lego dikhwameng tšeo, le R254 go ba bangwe bao ba lego sekhwameng seo. Phokoletšo yeo e bitšwa gore ke kherediti ya motšhelo wa thulaganyo yo thušo ya kalafo.

Phokoletšo e nngwe ya ditshenyagelo tša kalafo ke kherediti ya motšhelo wa ditshenyagelo tsa kalafo. Maemong a:

- Ge motho yo a nago le mengwaga e 65 le go feta moo, goba motho, molekane wa gagwe, goba ngwana wa gagwe, e le motho yo a phelago ka bogolofadi, gona motho yoo a ka ba le kherediti ya motšhelo wa ditshenyagelo tša kalafo wa go lekana 33.3% ya tšhelete yeo a swanelago go e lefelela ya ditshenyagelo tša kalafo, gomme tšhelete yeo e lefilwego go tšwa sekhwameng sa thušo ya kalafo sa motho yoo e feta gararo kherediti ya motšhelo bakeng sa ngwaga woo wa motšhelo; goba
- Ge motho le ge e le ofe, yo a dumeletšwego kherediti ya motšhelo wa thušo ya kalafo ya tekanyo ya 25% ya tšhelete yeo e lefago ke motho yoo, gomme tšhelete yeo e lefilwego ke motho yoo a thušwa ke setlamo sa thušo ya kalafo e feta ganne kherediti ya motšhelo bakeng ngwaga woo wa motšhelo, gomme e ka se fete tekanyo ya 7.5% ya motšhelo wa letseno (go sa akaretšwe kholego ya tšheletentši go sekhwama sa tholomodiro le kholego ya tholomodiro).

Meneelo

Phokoletšo ya meneelo go mekgatlo e mengwe ya thušo ya setšhaba e lekanyeditšwe go 10% ya motšhelo wa letseno (go sa akaretšwe kholego ya tšheletentši go sekhwama sa tholomodiro le kholego ya tholomodiro). Tšhelete ya meneelo e fetago 10% ya motšhelo wa letseno e lebelelwa e le moneelo go mekgatlo yeo e swanelegago ya thušo ya setšhaba ngwageng o latelago wa motšhelo.

Diputseletšo

Putseletšo le Thušopele ya Ditsshenyagalelo

Ge e ba motho yo a amogelago putseletšo goba thušopele ya ditshenyagalelo a swanelwa ke go fetša bošego bjo tee a le kgole le lefelo la gagwe la tlwaelo la bodulo ka mabaka a mošomo, gomme marobalo ao a ama putseletšo goba thušopele ya ditshenyagalelo a le mo Repabliking ya Afrika Borwa, gona putseletšo goba thušopele ya ditshenyagalelo e tla dirwa go lefelela:

- Dijo le ditshenyagalelo tše dingwe, gomme go ra gore R595 e tsewa e dirišitšwe ka letšatši; goba
- Bakeng sa ditshenyagalelo tše dingwe feela, go ra gore R184 e tšewa e dirišitšwe ka letšatši.

Ge e ba marobalo ao a amago putseletšo goba thušopele yeo ya ditshenyagalelo a le ka ntle ga Repabliki ya Afrika Borwa, gona go ra gore go dirišitšwe tšheletse e itšego go ya ka tekanyetšo ya naga yeo. Ditaba ka botlalo tša ditšhelete tšeo di phatlaladitšwe wepsaeteng ya SARS (www.sars.gov.za), ka tlase ga Legal Counsel > Secondary Legislation > Income Tax Notices.

Ge e ba motho a hwetša putseletšo goba thušopele ya ditshenyagalelo gomme ka mabaka a mošomo a swanelwa ke go fetša karolo e itšego ya letšatši a le kgole le lefelo la gagwe la tlwaelo la mošomo, gona putseletšo goba thušopele ya ditshenyagalelo tšeo a bilego le tšona ga e tšhelelwe. Tokollo ye lekgethong e šoma ge feela motho yo a filwe tumelelo ke molaodi wa gagwe gore a reke dijo goba a lefe dilo tšeo di sepedišanago le leeto la gagwe letšatšing leo, e bile putseletšo yeo e sa fete R184.

Putseletšo ya Leeto

Tekanyo ya dikhilomitara, e lego yeo e ka dirišwago go tseba phokoletšo e dumeletšwego ya maeto a mošomo ditabeng tša putseletšo goba thušopele ya ditshenyagalelo moo go sa tsenywego dikgopelo tša go lebanya tša ditshenyagalelo, e ka tsebja ka go diriša thulaganyo e latelago.

Boleng bja Koloji (Go Akaretša VAT) (R)	Ditshenyagalelo tša Tirišo (R p.a.)	Ditshenyagalelo tša Makhura (c/km)	Ditshenyagalelo tša go e Lokiša (c/km)
0 – 115 000	38 344	132.9	49.1
115 001 – 230 000	68 487	148.4	61.4
230 001 – 345 000	98 689	161.2	67.8
345 001 – 460 000	125 393	173.4	74.0
460 001 – 575 000	152 097	185.5	86.9
575 001 – 690 000	180 078	212.8	102.0
690 001 – 805 000	208 106	216.5	114.5
805 001 – 920 000	237 679	220.1	126.9
ya godimo ga 920 000	237 679	220.1	126.9

Tlhokomedišo:

- 80% ya putseletšo ya maeto e swanetše go akaretšwa moputsong wa mošomi ge go balwa PAYE. Tekanyo yeo ya diphesente e ka fokoletšwa go 20% ge e ba mohiri a kgotsofetše gore mo e ka bago 80% ya tirišo ya koloji e tla ba ka mabaka a mašomo ngwageng wo wa motšhelo.
- Go ka se dumelelwe ditshenyagalelo tša makhura ge e ba mošomi a sa diriša makhura ka moka a ka koloing, e bile go ka se tsenywe ditshenyagalelo ge e ba mošomi a sa lefelela ditshenyagalelo ka moka tša go lokiša koloji (mohl. ge e ba koloji yeo e wela setlamong sa go lokiša dikoloji).
- Ditshenyagalelo tša motheo di swanetše go fokotšwa ka tsela ya maleba (lekanyetša) ge e ba koloji e dirišetšwa mabaka a mašomo tekanyo ya ka tlase ga seripa sa ngwaga.
- Dikhilomithara tšeo motho a di sepetšego ngwageng wa motšhelo, le sebaka seo motho a se sepetšego ka mabaka a mašomo, gomme go na le bohatse bja pukwana ya dikhilomithara, di ka dirišwa go tseba ditshenyagalelo tšeo di dumeletšwego go putseletšo ya maeto.

Ka lehlakoreng le lengwe, ge e ba putseletšo goba thušopele ya ditshenyagalelo e balwa go latela dikhilomithara tšeo di sepetšwego ke mošomi ka mabaka a mašomo, ga go motšhelo wo o tlogo go lefelelwa go putseletšo yeo mohiri a e neago mošomi, gomme e ka fihla go R4.95 ka khilomithara, go sa setšwe boleng bja koloji.

Eupša, taba e lego ka mo godimo e ka se šome ge e ba mohiri a lefile mošomi ditshenyagalelo ka tsela ya putseletšo goba e nngwe (go sa balwe ditefelo tša phaking goba ditholekeiti) bakeng sa koloji yeo.

Dikgogelo tše Dingwe

Go sa balwe dikgogelo tše go boletšwego ka tšona ka mo godimo, motho a ka kgopela go lefiwa dikgogelo tša mabapi le letseno mošomong goba tsa putseletšo maemong a sego kae a kgethegilego, mohl. sekolotošitwa ge se bapetšwa le mogolo wa gagwe.

Dikholegomošomong

Dikoloi tša Mohiri

- Boleng bja motšhelo ke 3.5% ya theko, go akaretša VAT, bakeng sa koloi e nngwe le e nngwe ka kgwedi.
- Ge e ba koloi:
 - » E le tlase ga setlamo sa go lokiša dikoloi ge mohiri a e reka, boleng bja motšhelo e ba 3.25% ya boleng bjo bo beilwego; goba
 - » E dirišwa ke mohiri a saenne konteraka ya khirišo, boleng bja motšhelo e tla ba ditshenyagelelo tše di lebanego mohiri go ya ka konteraka yeo gotee le tša makhura.
- 80% ya dikholegomošomong e swanetše go tsenywa mogolong wa mošomi ge go balwa PAYE. Tekanyo yeo ya diphesente e ka fokoletšwa go 20% ge e ba mohiri a kgotsofetše gore mo e ka bago 80% ya tirišo ya koloi yeo e tla ba ka mabaka a mošomo ngwageng wo wa motšhelo.
- Nakong ya tekolo, dikholegomošomong tša motšhelo wa ngwaga di fokotšwa ke tekanyo ya dikhilomithara tše di dirišeditšwego mabaka a mošomo, di hlatselwa ke pukwana ya go ngwala dikhilomithara, gomme gwa dirwa karolelano ya dikhilomithara tša mabaka a mošomo ngwageng wa motšhelo.
- Nakong ya tekolo, go ka ba le phokoletšo ya ditefelo tša dilaesense, inšorensense, go lokiša koloi, le tša makhura a maeto a botho — ge e ba mošomi a ile a lefelela ditshenyegelo tše ka botlalo, le gona dikhilomithara tše di sepetšwego tša mabaka a botho di hlatselwa ke pukwana ya go ngwala dikhilomithara.

Dikadimo tša go Hloka Tswalo Goba tša Tswalo ya Tlase

Phapamo e bago gona magareng ya tefišo ya tswalo ya semmušo le tefišo ya tswalo e swanetše go akaretšwa go letsenomoka la koroso.

Madulo

Boleng bja kholegomošomong yeo e tsenywago go letsenomoka la koroso e swanetše go ba ya tlase go dikholegomošomong tšeo di balwago ka go latela thulaganyo e hlalositšwego, goba e be tshenyegelo go mohiri ge e ba mohiri e se mong wa madulo ao.

Go tla dirišwa thulaganyo yona yeo ge e ba mong wa madulo e le mošomi, eupša ga e dirišwe go madulo a maikhutšo ao a hirilwego ke mohiri mekgatlong yeo a sa tswalanego le yona kgwebong.

MOTŠHELO WA LETSENO: DIKHAMPHANI

Motšhelo wa dikhamphani ke wa mengwaga ya tekolo e felelago nengneng go tloga ka 1 April 2026 go ya go 31 March 2027.

Mohuta	Tekanyo ya Motšhelo
Dikhamphani	27% ya motšhelo wa letseno

MOTŠHELO WA LETSENO: DIKGWEBO TŠE NNYANE

Motšhelo wa Dikgwebo tše Nnyane ke wa mengwaga ya tekolo e felelago nengneng go tloga ka 1 April 2026 go ya go 31 March 2027.

Motšhelo wa Letseno (R)	Tekanyo ya Motšhelo (R)
1 – 99 000	0% ya motšhelo wa letseno
99 001 – 365 000	7% ya motšhelo wa letseno la ka godimo ga 99 000
365 001 – 550 000	18 620 + 21% ya motšhelo wa letseno la ka godimo ga 365 000
550 001 go ya godimo	57 470 + 27% ya tšhelete ya ka godimo ga 550 000

MOTŠHELO WA PALOMOKA YA TŠHELETE YEO E DIRILWEGO KE DIKGWEBOPOTLANA

Motšhelo wa palomoka ya tšhelete yeo e dirilwego ke kgwebo o šoma go batho go tloga ka 1 March 2026 go ya go 28 February 2027 le go mengwaga ya tekolo ya dikhamphani yeo e felelago nengneng go tloga ka 1 April 2026 go ya go 31 March 2027.

Motšhelo wa palomoka ya tšhelete yeo e dirilwego ke kgwebo (R)	Tekanyo ya Motšhelo (R)
1 – 600 000	0% ya motšhelo wa palomoka ya tšhelete yeo e dirilwego ke kgwebo
600 001 – 950 000	1% ya motšhelo wa palomoka ya tšhelete yeo e dirilwego ke kgwebo ya ka godimo ga 600 000
950 001 – 1 400 000	3 500 + 2% ya motšhelo wa palomoka ya tšhelete yeo e dirilwego ke kgwebo ya ka godimo ga 950 000
1 400 001 le go ya godimo	12 500 + 3% ya motšhelo wa palomoka ya tšhelete yeo e dirilwego ke kgwebo ya ka godimo ga 1 400 000

MOTHEO WA MOTŠHELO TABENG YA MADULO

Badudi ba lefišwa motšhelo go ya ka letseno leo ba le dirago lefaseng ka bophara, go lebeletšwe le mabaka a mangwe. Kwešišo ya motheo ke gore metšhelo ya nagantle go letseno la nagantle e dumeletšwe go badudi ba Afrika Borwa bao ba lefago motšhelo. Se se šoma go batho ka go lebanya, dikhamphani, dikoporasi tswalelwa, ditherasete, le dithoto.

MOTŠHELO WA POELOTLOTLO

Poelotlotlo ya thekišo ya dithoto e a amega motšhelong wo.

Tekanyo ya Godimo e Šomago ya Motšhelo

Batho le ditherasete tše kgethegilego	18%
Dikhamphani	21.6%
Ditherasete tše dingwe	36%

Dilo tšeo di ka thomago mogato wa thekišo ke ge selo se rekišwa, e le moneelo, se ananywa, se lobiwa, lehu, le go huduga. Tše dingwe tšeo di sa akaretšwego ka go lebanya ke tše latelago:

- Tswalo goba tobo ya R3 000 000 ya thekišo ya madulo a motheo;
- Bontši bja dithoto tšeo e sego tša kgwebo;
- Mehola ya tholomodiro;
- Ditefelo tša dipholisi tšeo di dirilwego lebaka le leteletšana;
- Go se akaretšwe go poelotlotlo ya ngwaga ya R50 000, goba tahlegelotlotlo, e šomago go batho le go ditherasete tše kgethegilego;
- Go se akaretšwe ga kgwebo e nnyane go poelotlotlo ya R2.7 million go batho (bao ba nago le mengwaga e 55) nakong ya thekišo ya kgwebo e nnyane ya boleng bja mmaraka bjo bo sa fetego R15 million; le
- Go se akaretšwe ga ngwaga le ngwaga ge tefelo go batho e oketšwa go fihla go R300 000 ngwageng wa lehu.

MOTŠHELO WA DIKABELANO

Motšhelo wa dikabelano ke motšhelo wa mafelelo wa tekanyo ya 20%, woo o bewago go dikabelano tšeo di lefiwago dikhamphani tša mo nageng, le ke dišere tša dikhamphani tšeo e sego tša mo nageng tšeo di tšwelelago go Johannesburg Stock Exchange goba go kgwebopapatšo e nago le laesense mo Afrika Borwa. Dikabelano ga di tšheledišwe ge e ba mong wa dikabelano tšeo e le khamphani ya Afrika Borwa, sekhwama sa tholomodiro, goba motho yo mongwe yo a sa tšheledišwego. Beng ba dikabelano bao e sego badudi ba naga le bona ba ka hwetša phokoletšo tekanyong ya motšhelo maemong a mangwe a lekanyeditšwego. Motšhelo wa dikabelano o swanetše go swarwa ke dikhamphani tšeo di lefago motšhelo wa dikabelano, goba mokgatlo o nago le laesaense ge go tliwa go dikabelano tšeo di šomago ka dišere. Motšhelo wa dikabelano o lefiwago ka tsela e nngwe (e se ka tšhelete) o ka dira bjalo gomme o maikarabelong a khamphani yeo e laolago le go lefa dikabelano.

METŠHELO E MENGWE YA PHOKOLETŠO

Maemong a mangwe a lekanyeditšwego, tekanyo e šomago ya motšhelo e ka fokotšwa go ya ka ditumelelano tša metšhelo le naga yeo motho yo e sego modudi wa naga a dulago go yona.

Diroyalithi

Motšhelo wa mafelelo wa tekanyo ya 15% o lefiwa go tšwa go tšhelete ya koroso ya diroyalithi tša mo Afrika Borwa tšeo di lefiwago batho bao e sego badudi ba naga.

Tswalo

Motšhelo wa mafelelo wa tekanyo ya 15% o lefiwa go tšwa go tswalo ya mo Afrika Borwa, yeo e lefiwago bao e sego badudi ba naga. Tswalo ga e tšheledišwe ge e ba e lefa ke lefapha le ge e le lefe la mmušo wa Afrika Borwa goba ke pankha, goba go na le sekoloto go kgwebong e nago le laesense.

Badiragatši le Boradipapadi ba Dinagantle

Motšhelo wa mafelelo wa tekanyo ya 15% o lefiwa go tšwa go tšhelete ya koroso yeo e lefiwago batho bao e sego badudi ba naga bakeng sa mešomo yeo ba e dirago Afrika Borwa e le badiragatši goba boradipapadi.

Thekišo ya Dithoto tše sa Tlošegego

Motšhelo wa nakwana o bolokelwa barekiši bao e sego badudi ba naga ba dithoto tše sa tlošegego mo Afrika Borwa, gomme o tla dirišetšwa go lefa motšhelo le ge e le ofe woo o lebanego bona badudi bao e sego ba naga. Motšhelo o tlogo go bolokwa go tšwa tefong ya badudi bao e sego ba naga ke wa tekanyo ya 7.5% go motho yo e sego modudi wa naga, 10% go khamphani yeo e sego ya ka nageng, le 15% go therasete yeo e sego ya ka nageng gomme e rekiša thoto yeo e sa tlošegego.

METŠHELO E MENGWE, MAKGETHO LE DILEBI

Motšhelo wa Boleng bja Theko (VAT)

VAT e lefiwa ka tekanyo ya motheo ya 15% bakeng sa dithoto le ditirelo tša dikgwebo tše di ngwadišetšwego ka molao.

Kgwebo yeo e gwebago ka dithoto tša motšhelo o fetago R2.3 million ka ngwaga e swanetše go ingwadišetša VAT. Kgwebo yeo e gwebago ka dithoto tša motšhelo wa ka godimo ga R120 000, eupša di sa fete R2.3 million ka ngwaga, o ka ithaopela go ingwadiša. Dithoto tše dingwe ga di tšhelelwe, goba ga di tsenyeletšwe go VAT.

Lekgetho la Phetišo ya Moago

Lekgetho la phetišo le lefiwa ka tekanyo e latelago ge go rekišwa meago yeo go sa lefiwego VAT.

Boleng bja Moago (R)	Tekanyetšo
1 – 1 210 000	0% ya boleng
1 210 001 – 1 663 800	3% ya boleng bja ka godimo ga R1 210 000
1 663 801 – 2 329 300	R13 614 + 6% ya boleng bja ka godimo ga R1 663 800
2 329 301 – 2 994 800	R53 544 + 8% ya boleng bja ka godimo ga R2 329 300
2 994 801 – 13 310 000	R106 784 + 11% ya boleng bja ka godimo ga R2 994 800
13 310 001 le ka godimo ga	R1 241 456 + 13% ya boleng bja ka godimo ga R13 310 000

Lekgetho la Thoto

Lekgetho la Thoto le lefišwa go thoto ya badudi ba Afrika Borwa le ya bao e sego ba yona, go sa akaretšwe diphokoletšo tšeo di dumeletšwego. Lekgetho le lefiwa go ya ka boleng bja thoto, ka tekanyo ya 20% ya R30 million ya mathomo, le ka tekanyo ya 25% go ya ka godimo go ya R30 million.

Tefelo ya motheo ya R3.5 million e dumeletšwe ge go hlahlobja seo thoto yeo e tlogo go se lefišwa lekgethong la thoto, go akarešša le ditefelo tše dingwe tša thekišo, meneelo go mekgatlo ya thušo ya setšhaba, le dithoto tšeo di tlogeletšwego balekane bao ba hlokofaletšwego.

Motšhelo wa Meneelo

Motšhelo wa meneelo o lefiwa ka tekanyo ya motheo ya 20% ya boleng bo oketšegago bja thoto yeo e lego moneelo wa go tloga ka 1 March 2018, gomme o sa fete R30 million; le gona tekanyo ya 25% go boleng bo oketšegago bja thoto yeo e bilego moneelo go tloga ka 1 March 2018, gomme e sa fete R30 million.

R150 000 ya thoto yeo e lego moneelo nakong ya ngwaga o mongwe le o mongwe wa motšhelo wa modudi wa naga ga e tšheledišwe motšhelo wa moneelo.

Tabeng ya molefelamotšhelo yo e sego modudi wa naga, go ka se tšheledišwe dimpho tše a di newago tše nyenyane tša boleng bjo bo sa fetego R20 000 ge di kopanywa ngwageng wa motšhelo.

Dithekišo magareng ga banyalani, moo moamogedi e lego modudi wa naga wa motšhelo; meneelo magareng ga dikhamphani tšeo e lego karolo ya dikhamphani tša Afrika Borwa; le meneelo ya mekgatlo e mengwe ya thušo ya setšhaba ga di tšheledišwe motšhelo wa moneelo.

Motšhelo wa Dikabelo tša Phetišo

Motšhelo wa dikabelo tša phetišo o lefiwa ka tekanyo ya 0.25% go phetišo ya dikabelo tše ngwadišitšwego goba tše sa ngwadišwago. Dikabelo di ka akaretša dišere tša dikhamphani, goba tša tswalo ya maloko a dikoporasi tswalelwa.

Lebi ya Tšwetšopele ya Mabokgoni (SDL)

SDL e lefiwa ke bahiri ka tekanyo ya 1% ya palomoka ya mogolo o lefiwago bašomi. Bahiri bao ba lefago megolo ya ngwaga ka moka ya ka tlase ga R500 000 ga ba lefišwe SDL.

Ditefelo tša Enšorensense ya Phelelomošomo

Ditefelo tša enšorensense ya phelelomošomo di lefiwa ke bahiri kgwedi le kgwedi, go lebeletšwe tefelo ya 1% ka bahiri le 1% ka bašomi, go ithekgile ka mogolo wa bašomi wo o lego ka tlase ga tšhelete ya tekano e itšego.

Bahiri bao ba sa ngwadišetšago PAYE goba SDL ba swanetše go lefa karolo ya bona go Khomišinare ya Enšorensense ya Phelelomošomo.

DITEKANYETŠO TŠA TSWALO TŠA SARS


Tekanyetšo ya Tswalo (go tloga ka 1 December 2025)	Tekanyetšo
Dikholegomošomong — kadimo ya go se be le tswalo goba ya tswalo ya tlase ka diranta (tekanyo ya semmušo)	7.75% p.a.
Ditekanyetšo tša Tswalo (go tloga ka 1 March 2026)	Tekanyetšo
Motšhelo o lefilwego ka morago ga nako goba o hlaela	10.25% p.a.
Pušetšotšhelete ya godimo ya motšhelo wa nakwana	6.25% p.a.
Pušetšotšhelete ya motšhelo ge boipiletšo bo atlegile goba moo SARS e dumelelanago le boipiletšo	10.25% p.a.
Pušetšotšhelete ya VAT ge go fetile nako e beilwego	10.25% p.a.
Go lefa VAT ka morago ga nako	10.25% p.a.
Khasetomo le lekgetho	10.25% p.a.

Dintlhakgolo tša Tekanyetšo


Motšhelo wa Letseno wa batho le phokoletšo go ba thuša twantšhong ya ditlamorago tša infoleišene.



Tlhatlošo ya boleng bja boingwadišo bja bohle bja VAT go ya go **R2.3 million**.




Tlhatlošo Dipeeletšong tša go se Tšheledišwe di išitšwe go **R46 000** ka ngwaga.



Tlhatlošo ya **3.4%** lekgethong la dinotagi le ditšweletšwa tša motšoko



Tlhatlošo go Lebi ya Makhura ka kakaretšo go peterole ka **9 cents** lithara, go diesel ka **8 cents** lithara.



Tlhatlošo go Lebi ya Sekhwama sa Dikotsi Mebileng go peterole le diesel ka **7 cents** lithara.



Go sa swerwe dinyatherišano ka motšhelo wa bosetšhaba wa go petšha inthaneteng ngwageng wa 2026.

